



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ბანი

ბანი, 1. მრავალხმიანი საგუნდო ნაწარმოების ყველაზე დაბალი ხმა. 2. აკორდის ქვედა ბგერა. 3. მამაკაცის დაბალი რეგისტრის ხმა.

თავდაპირველად ბ. წამყვანი მელოდიური ხმის თანხლების, აკომპანემენტის გამომხატველი ძვ. ქართ. სამუსიკო ტერმინი იყო. თანხლება შეიძლებოდა ყოფილიყო როგორც ხმიერი (რეგისტრულად წამყვანი მელოდიური ხაზის ქვევით ან ზევით), ისე საკრავიერიც (მაგ., „დავით უცემდა ორლანოთა შებანებულთა“ – ძველი ალთქმა. ან „დაჰკარ და დაჰკარ ფანდურო, კარგად მაძლიე ბანია“ – ხალხური). ს.-ს ორბელიანის ლექსიკონის მიხედვით: „ბანი – ჳმის შეწყობა. ბანი ეწოდების რა გალობასა, გინა სიმღერასა სხვა ჳმა შეწყოს“. დროთა განმავლობაში ბ. თანდათანობით იქცა მხოლოდ დაბალი (ხმიერი ან საკრავიერი) თანხლები ხმის აღმნიშვნელ ტერმინად.

ქართულ ხალხ. მუსიკაში და ძვ. ქართ. მწერლობაში შემორჩენილია ბ-ის შემდეგი სახეობანი: მაღალი ბ., დაბალი ბ., შემდეგი, ბოხი, დვრინი (დვინი), დუმბო, ბამ. ტერმ. „ბ-ის“ გაჩენა ქართ. მუსიკაში (როგორც ხალხურში, ისე ძვ. პროფესიულში) განპირობებული იყო მრავალხმიანობის არსებობით.

**ი. ჟორდანი**

---